

Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 551 225; Fax: 033 551 226
E-mail: nasastranka@nasastranka.ba
Web: www.nasastranka.ba

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

PRIMLJENO: 25-06-2015				
Organizacija rednica	klasif. grupa	Broj i godina	Vrijednost	Priloga
01-02-955		1/15		2x

Dr. Dennis Gratz

Zastupnik u Predstavničkom domu Parlamenta Federacije Bosne i Hercegovine

Broj: 221/15

Sarajevo, 24.06.2015.

Dostaviti:

Bosna i Hercegovina
Federacija Bosna i Hercegovina
Parlament Federacije BiH
PREDSTAVNIČKI DOM
n/r Edin Mušić, predsjedavajući


PREDMET: Prijedlog zakona o izmjenama Zakona o posredovanju u zapošljavanju i socijalnoj sigurnosti nezaposlenih osoba

Poštovani,

Na osnovu člana 179., a u vezi sa članom 163. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), dostavljam Vam Prijedlog zakona o izmjenama Zakona o posredovanju u zapošljavanju i socijalnoj sigurnosti nezaposlenih osoba. Na osnovu člana 172. Poslovnika Predstavničkog doma Parlamenta Federacije Bosne i Hercegovine predlažem da se isti razmatra po skraćenom postupku iz razloga što se ne radi o obimnim izmjenama navedenog Zakona.

U prilogu Vam dostavljam tekst Prijedloga zakona o izmjenama Zakona o posredovanju u zapošljavanju i socijalnoj sigurnosti nezaposlenih osoba sa obrazloženjem na bosanskom jeziku i elektronsku verziju istog.

S poštovanjem,


Dennis Gratz
Zastupnik u Predstavničkom domu Parlamenta Federacije BiH
Naša stranka

DENNIS GRATZ

ZASTUPNIK U PREDSTAVNIČKOM DOMU
PARLAMENTA FEDERACIJE BOSNE I HERCEGOVINE

PRIJEDLOG

**ZAKON O IZMJENAMA ZAKONA O
POSREDOVANJU U ZAPOSŁJAVANJU I
SOCIJALNOJ SIGURNOSTI NEZAPOSLENIH
OSOBA**

Sarajevo, juni 2015. godine

ZAKON
O IZMJENAMA ZAKONA O POSREDOVANJU U ZAPOŠLJAVANJU I
SOCIJALNOJ SIGURNOSTI NEZAPOSLENIH OSOBA

Član 1.

U Zakonu o posredovanju u zapošljavanju i socijalnoj sigurnosti nezaposlenih osoba ("Službene novine Federacije BiH", broj: 41/01, 22/05) u članu 3. stav 2. mijenja se i glasi:

„Osobe iz stava 1. tač. a) i f) smatrat će se nezaposlenim ukoliko njihov neto prihod u posljednjih dvanaest (12) mjeseci nije veći od zbira dvanaest (12) najnižih neto mjesečnih plaća utvrđenih važećim Općim kolektivnim ugovorom za teritoriju Federacije Bosne i Hercegovine.“

Član 2.

Ovaj zakon stupa na snagu osmog dana od dana objavljivanja u „Službenim novinama Federacije Bosne i Hercegovine“.

PREDSJEDAVAJUĆI DOMA NARODA
PARLAMENTA FEDERACIJE BOSNE I
HERCEGOVINE

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BOSNE I
HERCEGOVINE

OBRAZLOŽENJE

Zakon o izmjenama Zakona o posredovanju u zapošljavanju i socijalnoj sigurnosti nezaposlenih osoba iz 2005. godine (broj 22/05), između ostalog, uveo je izmjenu člana 3. stava 2. gdje se propisuje da svaka osoba koja ostvari mjesečni prihod od 25% prosječne plaće u toku prethodne godine prema podacima Federalnog zavoda za statistiku gubi status nezaposlene osobe. To znači da te osobe koje ostvare prihod veći od 25% time gube pravo na socijalnu zaštitu (doprinosi za zdravstveno i penzijsko osiguranje) i druga prava utvrđena Zakonom o posredovanju u zapošljavanju i socijalnoj sigurnosti nezaposlenih osoba FBiH iako su njihova primanja manja od najniže plaće utvrđene važećim Općim kolektivnim ugovorom za teritoriju Federacije Bosne i Hercegovine.

Prema Federalnom zavodu za statistiku prosječna neto plaća u martu 2015. godine iznosila je 834 KM, što znači da je 25% od te plaće 208.50 KM, što je niže od iznosa najniže minimalne plaće propisane Općim kolektivnim ugovorom za teritoriju Federacije Bosne i Hercegovine.

Trenutne propise u Zakonu ne smatram razumnim jer nezaposlene osobe koje zarade manje od najniže plaće, i to u godišnjoj razlici od oko 1200 maraka, nemaju pravo na doprinose od Federalnog zavoda za zapošljavanje i to im dodatno ugrožava socijalnu sigurnost zbog očite činjenice da nisu ostvarili prihode jednake najnižim kada bi stupili u radni odnos.

Uvođenjem novog kriterija, odnosno iznosa do najniže plaće u Federaciji Bosne i Hercegovine, osigurao bi se razuman i logičan kriterij za ostvarivanje, zadržavanje, odnosno prestanak statusa nezaposlene osobe.

S poštovanjem,



Dennis Gratz

Zastupnik u Predstavničkom domu Parlamenta Federacije BiH

Naša stranka

DOSTAVLJENO:

- Naslovu
- Parlamentu FBiH – Predstavnički dom i Dom naroda Parlamenta FBiH
- Stručnoj službi Parlamenta FBiH – n/r predsjednika klubova poslanika parlamentarnih stranaka
- Evidencija